

Descriptio Polonae.
Leopolis

~~Poc 1256~~

Almepetuii Frid. Henricum Indyltae
Civitati Leopoliensi oblatum.



1203

Inst. komp.

I. Mos. St. Dr.

P

Pocya 1256. b1

Biblioteka Jagiellońska



stdr0001114



26
XENIOLVM

INCLYTÆ CIVITATI
LEOPOLIENSI,
BONARVM ARTIVM SINGVLARI
PROPAGATRICI,
PATRIÆ SVÆ CHARISSIMAE
BONO OMINE

A

FRIDERICO ALNPECHIO LEOPOLITANO
in Alma Academia Crac : Philosophiæ studioſo,
OBLATVM:

Cal: Ian. Anno Domini, M. DC XIX.



CRACOVIAE, Chalcographo Basilio Skalski.

Amato Dno Christophoro Kun, Civi Leopoliensi, Dno
et amico suo Olendo Author D.D.

IN ARMA LEOPOLIS



Cernis vt excellē tollant fastigia turres,
Excubiasq; Leo quā vigilanter agat.
His vigiles animi, pietas, sapientia, robur
Noscitur, hæc magnę munera laudis habēt.
Digna Leontopoli sunt hæc insignia, nullis
Virtus alma potest clarior esse notis.

BIBLIOTHECA
UNIV. IAGELL.
CRACOVENSIS

1203 I

rum Virorum Krasickij, Naraïouij, Czernieïouij,
Starzecbouij, Trzebinij, Glemboccy, Swirscij, Wil-
zynij. Senes Venerandi; Gaspar Przezazieccius,
Gaspar Gulnscius, Stanislaus Ansermus, Doctores
Excellentissimi; Erasmus Sixtus, Martinus Noui-
campianus, Paulus Dominicus Hempnerus, Andre-
as Habrecius. Et vos Consultissimi Wolphgange,
& Melchior Wolphouicij mei Patruelles, nec tu Pa-
ter Charissime omittende. Vobis, vobis, iure opti-
mo, Illustribus & Magnificis, Nobilibus, & Charissi-
mis Viris prima huius anni exordientia primordia
inominata nolui præterire. Nam si exoleta illa vetu-
stas tantos Iano Patulcio, quod is aureo sæculo He-
sserijs regionibus præfuerit, honores decernere non
dubitauit: quanto magis nos vero Christi lumine
illustratos ei diei, quâ Sanguinem suum preciosissi-
mum, pro generis humani ex Tartareis grauissimis
carceribus sobole eripiendâ, Seruator noster cæpit
effundere, varijs solennitatum generibus decet incum-
bere? Ea etenim felicissima terris emicuit lux, quæ
suo splendore, suâ claritate, omnibus alijs meritò an-
teit diebus, instarq; lapidis preciosissimi totius anni
decursum clarissime illustrat & ornât. Quocirca, ut
iam portum ex alto respiciam, Nobilissimi Patriæ

me.e

mea Patroni, tenui quidem calamo & agresti
Musâ, sed auspiciato omine, noui huius anni gratula-
tionem vestro Ornatisimo Nomini dedico & conse-
cro. Vos, vos inquam, pro vestra incredibili pru-
dentiâ, beniuolo animo Xenium hoc, exiguum
quidem, sed intimo animo à me, milite nondum e-
xercitato, oblatum accipite & fauete. FAXIT DEVS
ut cum Charissimâ meâ Patriâ diutissimè sospites
etq; incolumes valeatis. Datum Cracouiae. Anno
à Partu Virginis 1618. ^{Pro} Calen: Ianuar.



TOTI LEOPOLIENSI

VNIuersitati

Anni noui

GRATVLATIO.

ODE TRIC: TETRAST.

Diuæ suauis, quæ modulamine
Repletis altas Cœlicolûm domos
Phœbi sorores, & iocosæ
Deliciæ Iouis intonantis.

Si quando lætum Threiciâ melos
Chely dedistis, si vaga sydera
Mulsistis, ornata coronis,
Pectine, si cithara sonora.

Si quando iunctis ordine dexteris
Sacrata circum flumina Pegasi
Lætæ choreas, personante
Mœnalia fide miscuistis.

B

Nunc

Nunc nunc sereno fundite dulcia
Doctę Camoænæ pectore carmina,
Nunc est canendum, nunc eburnæ
Pollicibus citharæ sonandæ
Nunc est canendum, nunc pede libero
Pulsanda tellus, nunc sacra tempora
Ornanda myrto, nunc virenti
Omnia sint redimita lauro.
Dum festa terris tempora tristibus
Formosa puris luminibus micans
Pallantias profert, repulsis
Vndiq; cimmerijs tenebris.
Scandit supernè tempus amabile
Claudens peracti limina prosperè
Anni, ominatis dum Bitrontis
Auspicijs aperit Calendas.
Quęis Rex benignus conditor ætheris,
Corusca dextrâ sydera temperans,
Imago summi vera Patris
Terrigenum Sator atq; soter.

Sacris

Sacris cruoris purpurei loca
Votiva templi fontibus irrigat
Laturus altis expetitur,
Culminibus populo leuamen.
Quondam noueni Dardanio solo
Chori, suaui cantica barbitō
Et voce gratā dulce carmen
Ingeminante sono dedistis.
Corusca lustrans Heliadum Pater
Intrigidantis sydera dum Capri
Nascentis anni prima lustra
Ausonijs ueheret colonis
Pompōsa sacri dum Capitolijs
Nouos honores & noua præmia
Theatra ferrent, auspicijs
Æthere vocibus insonante.
Lufistis olim Palladijs lyris
Doctis Athenis dulcia grammata
Dum prima Cancrī Phœbus astra
Ingrediens glomeraret æstus.

Dum quisq; fausto cuncta precamine

Cum canticis, totâ geminantibus

In vrbe sublimi, repletur

Æthera, Olympiacasq; gazas.

Verùm strepentes nunc Heliconij

Vagentur amnes largiùs, & modo

Solenniori barbiton, cum

Plausibus & choreis ciatur.

Infracta curis Inclyta Ciuitas

Almi LEONIS, cui Superùm Pater,

Et vos Camœnæ perbenignis

Thespiades animis fauetis.

En iam peracti tristia ferreis

Anni reeludens tempora vectibus

Primas Calendas, ominatis

Auspicijs superùm capeffit.

Fas ergoumnæ cuncta Leopoli

Vestræ, Sorores, læta precarier;

Tandem vt repulsis nubilosis,

Gaudia Sol reuehat, diebus.

Iam

lam sat tremendis mœsta periculis
Sensit furentes Odrylij Dei
Iras, cruentus dum nefandum
Exitium properaret vrbi.
lam sat dolores flebilis anxios
Oppressa sensit, mille furoribus
Eiecta terris dum Togatæ
Prospiceret simulachra Patris.
Non sic triformis naufraga transiens
Carina Scyllæ littora, vel teræ
Oras Charibdis, luctuosâ
Congerie premitur malorum.
Ac illa dignas Herculei ferens
Notas Leonis, dum fera Tartari
Liquens cauernas (heu) dolenda
Thisiphone mala sulcitaret.
Quocunq; flexit lumina prouidens
Casus futuros, obstupuit gemens,
Contra Leonem dum cruentus
Vndiq; conuolueret hostis.

Hinc Turca bellis horridus impiis
Surgit, tremendi hinc tela micantia
Torquent Geloni, ast hic scelestas
Isacidæ machinantur artes.

Illinc Getarum prælia concitat
Onusta rapto stirps Phlegetontica,
Ast hic latentes gens Auerni
Mille struit recutita fraudes.

Quovsq; pergis pectore perfido
Eheu dolosum Leuigenum genus
Tentare fraudes, tam nefandâ
Christicolas onerare clade?

Vidit corusco tramite lyderum
Apollo vectus, vidit & aurea
Phœbi Soror, viderê Olympi
Omnia Numina candicantis.

Dum pertinaci pectore percitus
Apella libares graecolentibus
Tectis Erinÿ, æthneo vt igni
Sterneret immeritum Leonem.

Heu

Ecce quàm superbe sollicitus pavor
Tunc sceptrâ gessit, cum rutilantibus
Urbs tota flammis, & micanti
Undiq; contegeretur igni.
Iam luctuosâ cladibus horridus
Licentioso cantica guttute
Prompsisset. Vltor ni benignum
Iuppiter auxilium tulisset.
Nam mox priusquam sedibus euolans
Vulcanus imis sterneret omnia
Mittit ruentem, cum procellis,
Hesperijs Lybicum cauernis.
Flammæ vagantis sic violentia
Perfracta primum moenibus inclytis
Cessit, dolendus sic Erinny
Anguicomæ furor est repressus.
Vix vix, recenti Thisiphone malo
Lætata, tetri squallida Tartari
In regna cessit, dum Tyrannus
Threicius noua damna ferret.

Non

Non sic vadoso fluctuat in mari,
Dum sæua venti prælia fuscitant;
Rostrata naus nunc Olympo
Nunc Stygijs tenebris p̄pinqua.
Ac tu Leonis Patria nobilis
Alumna Pacis, dum celerem rotam
Fortuna fallaci arte voluens
In varias iaculatur oras.
Peruersa vastis nunc premit ignibus
Tuos Penates lessigenum cohors,
Sæuæ Geloni nunc cateruæ
Caucasei mala moliuntur.
Iam iam feroci Marte perhorridi
Læti trophæis Massagetæ omnia
Impune vastant, igne tecta
Diripiunt, rapiunt colonos.
Replent cruentis cædibus impij
Agros virentes, nec satis est feris
Mali patratum, ni nectandum
Exitium reparent Leoni.

Iam

iam hostis supernis collibus insidens
Flammæ micantes igniuomæ rogos,
Viros ligatos occinentes
Triste melos dabat, héu, vidēdos.
O lumen alnum Ruffiaci soli
LEO, perennis Castalidum domus,
Oppresse curis, tot nefastis
Illaqueate malis Megæræ
Descendit altis Cháóny lous
Tempus Theatris, omine cælitum
Fausto auspdatum, ergo beato
Pectore pelle metus pauentes.
Expelle curas, lætaq; tempora
Lauri virentis cingito frondibus,
Para triumphos. iam Gelonus
Promeritas luet ille pænas.
Non semper obstans sydera contegit
Obscura nubes, aut mare Caspium
Vexant, tumescentes ruente
Acólio Boreâ, procellæ

C

Non

Non semper aurēi lampade Cynthia
Orbata Phœbi Lappia tristibus

Squallet tenebris, læta quondam
Lumine perpetuo triumphat.

Nec semper audax accola Caucaſi
Terrebit vrbes, lætaq; barbaro

Trophæa psallet pectine. Olim
Turibus sua præda fiet.

Iam rara posthac prælia lenties.

Martis cruenti, nulla pericula

Gustabis vnquam, dum feroces

Transſtra Getæ repetēt Charontis.

Ergo Calendas incipe proſpecte

Iani Bitrontis, cinctaq; Cypriā

Lauro triumphos appara; Quod

Fata monent, & honos Leonis.

Para triumphos. Nunquid enim truci

Virtute cedit Sauromatæ LEO?

Nunquid triumphalem Gelono

Porriget intrepidus coronam?

En

En fax sereno Ruffiaci soli
Cunctas per oras lumine splendida,
Virtutis aurêis Archipræsul
PROCHNICIVS radijs coruscans
Sæuas superni sollicitus Patris
Manus, hiulci spicula fulminis
Iamiam vibrantes, vltimumq;
Exitium, mitigat, ferentes.
En Præsul alnum Ruffiadum Decus,
Cui clara fulgent astra, PIRAVIVS
Fulcit ruentem, concidentem
Supplicibus precibus tuctur.
Fulcit cadentem Lechiadum Inclytus
Pater, Togatę Pacis, & horridi
Mauortis ingens Gloria, vnum
ZOLKIEVIVS Patrię leuamen
Quid ergo mœstis æthera planctibus?
Quid luctuosis sydera vocibus
Pulsas potentis stirps Leonis?
Quin potius renoua triumphos
Magnę

Magnæ Parentis Marmaricum pecus
LEO, rapaci terribilis feræ,
Lyncas teroces, Parthicasq;
Imperio tigrides gubernat.
Panthera paret multicolor truci
Iræ Leonis, cuncta animantia
Virtute cedunt, Regem adorant,
Horrifonos sonitus pauescunt.
Regale signum Zodiaci LEO,
LEO corusco fixus in æthere,
Excelsa sedes, & decora
Laurigeri Lycijq; Solis.
Vincit, nitenti lumine splendidus,
Poli micantes stelligeri faces,
Virtute raucos vincit æstus
Igniuomæ patriæ Gigantum.
Ditis cauernas, tristia Tartara,
Sæuas Erinnes, Regnaq; Cerberi
VICIT LEO DE GENTE IYDA,
Progenies Superi Parentis

Et

Et tu LEONIS nomine, symbolo,
Virtute polles, ò mea PATRIA,
Ergo pauores pelle tristi
Pectore, sollicitasq; curas.
Vincunt LEONES. Accipe prosperum
Omen triumphi, lætaq; tempora
Iani Calendis orta, felix
Incipe & incolumis VALETO.



CHRONOSTICHON
Præteriti & ordientis anni

Fert strenas IanVs sobo Les DIVIna sa.
LV tem (1618)
BI na Leo à DIVIs en MV nera L ætVs
babeb ls. (1619.)





